



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 27.04.2020

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giast/s: Wieser Patrizia

tractandas	tema	responsabel
------------	------	-------------

0210 Administraziun cumünala
1 **Rendaquint**
2019

0120 Executiva
3 **Varia (suprastanza cumünala)**

52 Rendaquint 2019

Il capo bivgnainta ils preschaints a la sezzüda da suprastanza. El resüma cuort las lavurs da contabilità e da rendaquint, sco eir quellas in connex cull'introducziun dal model da quint HRM2. Il rendaquint 2019 es nempe il seguond in basa a quel model. Davo cha las lavurs d'introducziun sun gnüdas conclüdas cul rendaquint 2018, es il rendaquint 2019 il prüm rendaquint chi's po congualar cun quel da l'on avant.

La manadra da finanzas preschainta il rendaquint.

Quint economic

Il quint economic demuossa entradas da frs. 11'942'164.88 ed expensas da frs. 9'938'067.61, quai chi lascha resutar ün guadogn net da frs. 2'004'097.27. Las amortisaziuns sülla facultà administrativa importan frs. 148'824.25 e l'aigna finanziaziun (Cash-Flow) s'amunta a fr. 2'101'089.91. Cul quint 2019 es gnü activà ün conto da delcredere da fr. 100'000.00, quel import es üna rectificaziun pella valur da dabuns chi pudessan ir pers.

Quint d'investiziuns

Il manader tecnic repassa il quint d'investiziun e dà las infuormaziuns necessarias sur da tuot ils progets. Pel manaschi forestal ha il manader silvicultur mis insembel üna survista dals cuosts da proget, las spiegaziuns in quist connex da la manadra da finanzas. Il quint d'investiziuns 2019 as preschainta cun entradas da frs. 1'498'423.30 e sortidas da fr. 4'135'969.20, i resultescha üna somma d'investiziuns nettas da frs. 2'693'545.90. Plü grondas fadias ha chaschunà il manaschi forestal. Quia ha la manadra da finanzas in collavuraziun cul manader silvicultur tut ourdglioter ils imports resümats il preventiv e tils surportà sün novs contos pellas differentas incumbenzas ed ils progets.

In quist connex as das-cha manzunar cha l'otezza da l'aigna finanziaziun es fich allegraivla. Scha quai es però eir in avegnir pussibel in quist rom es da dubitar.

Bilantsch

Il bilantsch vegn repassà ed i vegn dat las infuormaziuns necessarias lasupra. Il chapital agen importa pels 31 da december 2019 frs. 13'298'470.76.

Il rendaquint vegn repassà manüdamaing e tuottas divergenzas cul preventiv pon gnir argumentadas, il medem vala pel quint d'investiziun. Las dumondas particularas pon gnir respusas a cuntantezza dals preschaints. In connex cul quint d'investiziun es impustüt da manzunar chi nun han pudü gnir realisadas tuot las lavurs sco previs, quellas sun gnüdas etappadas e spostats sün plü tard.

Il capo ingrazcha in quist connex pella lavur prestada, la situaziun finanziaria da nos cumün po gnir valütada sco sana e solida.

La suprastanza es perincletta cul quint economic, cul quint d'investiziun ed eir cul bilantsch e decida da suottametter quels, davo cha la revisiun externa e la revisiun tras la cumischiun sindicatoria es fatta, a man da la radunanza. La revisiun tras il post da revisiun chatta lö ils 14 ed il 15 da mai, quella da la cumischiun sindicatoria es previssa pels 3 ed ils 4 da gүн. La ditta Lischana Fiduziari SA chi'd es incumbenzada culla revisiun externa, fa las lavurs in lur büros a Scuol, las actas tils vaina da trametter in ouravant. Dürant ch'els fan la revisiun ha la manadra da finanzas da star a disposiziun per furnir cun copchas electronicas d'actas ch'els bsögnan per far la revisiun.

0120 Executiva

54 Varia (suprastanza cumünala)Via da Vadrain

A chaschun da la sezzüda da suprastanza dals 30 da marz vaiva Armon Mayer orientà sur dal stadi da las lavurs da progetaziun in connex culla refacziun da la via da Vadrain. Previs d'eira d'examinar ün'opziun chi vess simplifichà ferm las lavurs e chi vess cuostü damain. Il resultat da l'examinaziun dal material ha invezza demuossà cha quai nun es pussibel. I'l material sun gnüdas constatadas substanzas fich donnagiaivlas pel ambiaint. L'allontanamaint da quel chaschuna tras quai blerun daplü cuosts sco previss. Il preventiv pel proget demuossa cuosts da fr. 2.7 milliuns. I sta dafatta per discusiun scha quel material ha da gnir deposità sün üna deponia cun plazzal da reatur.

Intuorn l'on 2009 vaiva il cumün l'intenziun da reffar quella via da maniera sco cha tschellas vias d'eiran gnüdas construidas, sainza stabilisaziun. L'uffizi da god e privels da la natüra vaiva proponü da construir las vias cun stabilisaziun, quai chi ha manà al problem cul qual nus ans occupain actualmaing. La suprastanza nu va d'accord cun quist, our da quel motiv propuon'ella cha'l proget vegn etappà. In ün prüm pass vegn refat il traget asfaltà. Per la part culla stabilisaziun han da gnir fat sclerimaints a regard las premissas pel allontanamaint dal material. Implü sto gnir scleri cul uffizi da god e privels da la natüra sur d'ün oter scumpart dals cuosts. Sco chaschunader dal problem ha il Chantun da gnir oblià da surtour üna quota plü gronda vi dals cuosts.

Chasa da scoula Tschlin

A chaschun da la sezzüda da suprastanza dals 30 da marz d'eira gnü discuorrü supra ils resultats da las lavurs da la cumischiun. In occasiun da quella vaiva il capo manzunà ch'el vaiva gnü ün aboccamaint cun Theodor Biert. Quist fat d'eira gnü tematisà e critichà a chaschun d'üna sezzüda da la cumischiun. Il capo es persvas d'avair as cumportà correctamaing. El ha orientà avert sur da l'aboccamaint e manzunà cha'l cuntgnü da quella nun es statta in connex cullas lavurs da la cumischiun.

7556 Ramosch, 15.05.2020



Il capo:

Il manader administraziun: